



e-bilten

OPĆINA TEŠANJ

www.opcina-tesanj.ba

e-mail: fuad.sisic@opcina-tesanj.ba

Ponedjeljak
Broj 52

18.04.2011

1. Radovi na infrastrukturi
2. Pozitivan imidž
3. Na Balkanu nema Willy Brandta!?
4. Priznanja povodom 04. Aprila

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: fuad.sisic@opcina-tesanj.ba. Molimo vas da ovaj elektronski bilten prosljedite svim zainteresiranim u našoj općini. Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću. Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!

Radovi na infrastrukturi

U toku izvođenje radova

Naziv mz-e	Naziv projekta	Iznos
Šije	NC Rakmani	35.665,40 KM
Bobare-Drinčići-Blaževci	LC-3 Bobare-Križ	66.326,21 KM
Bukva	LC-16 treća traka bukva	226.430,39 KM
Tešanj-Raduša	LC-8 Marin Han - Raduša	53.759,39 KM
Medakovo	LC-16 Trotoar Medakovo	49.453,99 KM
Tešanj-R-J-Jelah	LC-7 Trotoar SŠC, devijacije	47.856,00 KM
Jelah	LC-5 Jelah-Potočani	72.613,38 KM
Kraševo	LC -15 Tromeda-Džamija Kraševo	51.864,44 KM
Raduša	Put Raduša, Uno - Šišići, Uno - Mehuljići	14.400,00 KM
O. Planje	Put O. Planje, Čorići	14.400,00 KM
Mrkotić	Put Mrkotići, Unkići	14.400,00 KM
Trepče	Put Trepče, Zlatići	19.200,00 KM
Medakovo	Put Medakovo, Križanovići	9.600,00 KM
Tešanjka-Lepenica	Staro Kraševo	74.622,05 KM
Tešanj-Raduša	LC-8 Marin han - Raduša	54.994,45 KM
Medakovo	Huremovići-Brezovača	25.250,91 KM
Džemilić Planje	Pire-Šaćirovići	27.166,46 KM
Tešanj	Tugovićii-Hasanbašići	44.211,77 KM
Raduša	Kotlanice-Kulica	31.907,07 KM
Bukva	Industrijska zona "VILA"	79.560,00 KM



Pozitivan imidž Tešnja

Slika o Tešnju sve ljepša

Opredjeljenost općinske vlasti da fokusira strateška opredjeljenja u nekoliko područja u prvi plan, kao što su eko-vizija, mladi, poslovna infrastruktura, nasljeđe dovelo je općinu Tešanj na viši stepen medijske pažnje ali i drugih općina, kao i vladinih i nevladinih organizacija iz različitih zemalja. Zajednički nastup sa privrednicima na sajmu NALAS u Sarajevu proteklog mjeseca, medijska prezentacija općinskih obveznica, nastup na BUSINESS FORUMU 2011, priprema sedmog tešanjskog sajma privrede kao Festivala rada srednjih škola iz cijele Bosne i Hercegovine u Tešnju kreira pozitivnu sliku o našoj sredini, ali i donosi nove kontakte i otvara nove mogućnosti. Neko će kazati da se nije teško isticati u općem nepovoljnom ambijentu koji kao takav vlada u Bosni i Hercegovini, i ne protivim se. Globalne okolnosti ne možemo mijenjati ali lokalne možemo – koliko možemo. Naša sredina pokazuje jednu spremnost i daje nadu da treba nastaviti. Treba učiniti sve što se može učiniti da bude bolje. Upravo to rade tešanjski poduzetnici, nevladin sektor, uposleni u obrazovanju, odgovorni građani i drugi a vladin sektor to uspijeva integrisati i usmjeravati ka strateškim opredjeljenjima.

Stoga nema sumnje da će obveznice Općine Tešanj biti na sarajevskoj berzi realizovane, kao što je Općina Tešanj između 42 općine iz Bosne i Hercegovine visoko bodovana i ušla među 15 prvih od strane UNDP BiH kroz projekat jačanja lokalne demokratije. Na taj način, NVO u Tešnju će dobiti dodatne mogućnosti i finansijsku podršku u toku ove godine.

The screenshot shows the SeeNews website interface. The main article is titled "INTERVIEW - Biznis.ba: Tešnja Municipality to Issue Bonds Worth 256,000 Euro in April". The article text mentions that the municipality will issue bonds worth 256,000 Euro in April. There are also smaller news snippets and advertisements on the page.

The screenshot shows the Bizon website interface. The main article is titled "Tešanjski Dijamant i Esperanza osvojili dvije medalje za kvalitet". The article text mentions that the Tešanj Diamond and Esperanza won two medals for quality. There are also smaller news snippets and advertisements on the page.

The screenshot shows the biznis.ba website interface. The main article is titled "TEŠANJ PROBIJA INVESTICIONI LED". The article text mentions that the Tešanj municipality has broken the investment lead. There are also smaller news snippets and advertisements on the page.

... je napravila odličan izbor: ako igdje u BiH uspije emisija dionica, najprije će uspjeh u Tešnju čija je privreda u snažnom usponu. Nekoliko tešanjskih tvrtki, koje su do jučer bile skoro posve anonimne, preuzelo je lidersku poziciju u nekim važnim privrednim sektorima. Naprimjer, tešanjaska tvrtka AS, nakon nekoliko uspješnih akvizicija (Vispjak, Kent Elit) preuzela je lidersku poziciju u proizvodnji konditorskih proizvoda, Artisan se nametnuo kao neprikosnoveni lider u proizvodnji „namještaja s potpisom“, tvrtka HIFA Oil zauzima čelnu poziciju u sektoru uvoza i distribuciji naftnih derivata u FBiH, dok je tamošnja Fabrika autodijelova smještena u Jelahu ubjedljivo najveći proizvođač autodijelova u BiH. Riječju, tešanjaska privreda pokazuje neobičnu vitalnost i to je svakako najvažnija preporuka za konačni uspjeh emitiranja municipalnih obveznica čiji je rok dospjeća 3 godine.

Prva emisija municipalnih obveznica nosit će prinos od 6 posto i to će biti dodatni argument za privlačenje potencijalnih investitora.

Prva emisija municipalnih obveznica u Republici Srpskoj odobrena je još prije tri godine, a nakon općine Laktaši na taj oblik finansiranja općinskih projekata odlučilo se još desetak drugih općina. Rezultat je međutim skroman: interes investitora nije bio pretjerano velik pa je gotovo sve municipalne obveznice kupila Razvojna banka RS-a.

Uspješan start tešanjskih obveznica

Emisija municipalnih obveznica koju je prva u Federaciji BiH kreirala općina Tešanj u skromnom iznosu od 500.000 KM, naišla je na odličnu reakciju investitora. Tome je nesumnjivo doprinijela činjenica da će se novac prikupljen emisijom obveznica upotrijebiti na najbolji mogući način - za uređenje poslovne zone Glinište u Jelahu, ali i činjenica da je općina Tešanj kreirala atraktivnu ponudu - godišnji prinos od 6 posto, što je skoro dva puta veći prinos od prinosa na oročene depozite u komercijalnim bankama BiH.

Obveznice su ponuđene u javnoj ponudi putem Sarajevske berze (5.000 obveznica nominalne vrijednosti 100 KM), s rokom dospjeća od tri godine, što je dodatni razlog za uspjeh cijele operacije.

Mada je prve dionice kupio načelnik općine Tešanj Fuad Šišić, s pravom se očekuje da će najveći dio obveznica kupiti lokalni poduzetnici, u prvom redu oni koji su interesno vezani za uspjeh poslovne zone Glinište u Jelahu.

Općina Tešanj bilježi dinamične stope poslijeratnog privrednog razvoja a motorna snaga poduzetničkog duha nalazi se upravo u Jelahu gdje je na relativno malom prostoru koncentrirano stotinjak proizvodnih i trgovinskih tvrtki respektabilnog potencijala.

Među ostalim, FAD, MANN-HUM-MEL, AS, Belif, Dukat, HIFA, Jami, Artisan... koje visoko kotiraju na listi "100 najvećih kompanija u BiH".



SLOBODNA BOSNA | 14.4.2011.



Općina Tešanj


Tešanj, BiH; Telefon: +387 32 650 547, +387 32 650 220; Faks: +387 32 650 547

www.opcina-tesanj.ba, e-mail: optesanj@bih.net.ba



Na Balkanu nema Willy Brandta!?

[Jedni podržavaju uspostavljenu federalnu vlast, drugi hdz-ovce, treći Dodika](#)



U oktobru 1994. godine sam putovao kao tadašnji općinski načelnik u delegaciji Općine Tešanj u Tursku, Konya. Putovali smo do Zagreba autom, a onda avionom do Istanbula. Put do Zagreba je trajao tri dana: prvi dan smo stigli do Mostara, drugi dan do Splita, a treći dan do Zagreba. Na tom putu zaustavljanja, na tek uspostavljenom improvizovanom graničnom prijelazu prema Hrvatskoj, izdvojili su me u neki kontejner i držali sat vremena. Nakon sat vremena kazali sve je u redu, možete ići dalje.

Od tada je proteklo više od 16 godina, i svih 16 godina su zaustavljali građane Bosne i Hercegovine. Istina, na drugačiji način, u redovima pred ambasadama stranih zemalja dok su čekali vize. Građani koji su imali putovnicu, a kasnije i srbijanski pasoš, nisu morali čekati.

Dejtonski sporazum nije proveden, Bosna i Hercegovina je opstala podijeljena unutar sebe, OHR je već odavno samo u ulozi UNPROFORA (gleda i izvještava, a šta radi – ništa!). Činjenice o zločinama koji dolaze kao rezultat sudskih procesa su žestoko napadnute od strane onih koji bi se trebali makar malo stidjeti tih činjenica. Predsjednik jednog bh entiteta je uključio Skupštinu tog entiteta da ruši Sud i Tužilaštvo BiH. Osude takvih aktivnosti dolaze sa mnogih strana, kao što su dolazile osude prilikom ulaska srpskih trupa u Srebrenicu, ali nije bilo akcije. Neće je biti ni sada, ne znam ko može još toliko biti naivan da se tome nada. Iako je bude, biće u mjeri da se zamagli očigledno licemjerstvo onih koji nisu učinili ništa da se zlo spriječi. A tamo gdje je nafta, tamo lahko intervenišu. Stoga bi bilo bolje da pokušamo usmjeriti snagu na dokazivanje da ovdje postoje velike zalihe nafte, ili čiste vode, jer su nam tako veće šanse od svih ovih diplomatskih praznih priča (jedna prazna, u drugoj nema ništa).

A ako hoćete brojati ko najviše trpi, onda ćete s velikom vjerovatnoćom nakon brojanja konstatovati: siromašni penzioneri, neuposleni, uposleni sa niskim primanjima, poslodavci sa lošim poslovnim ambijentom, učenici i studenti sa lošim nastavnim programima i neopremljenim učionicama, oni koji iskreno i dosljedno pokušavaju nešto promijeniti. Ako ih grupišete nacionalno, naći ćete u okviru ovih elemenata da su svi tu u približnom omjeru. Ako prebrojite ubijene, silovane i logoraše, pa ih nacionalno grupišete naći ćete nesrazmjerno veliki broj Bošnjaka u odnosu na gornje poređenje. Ako prebrojite presude i nacionalno grupišete, kao što to radi ovih dana Skupština jednog od dva bh entiteta, dobijete nesrazmjerno veliki broj Srba. Willy Brandt u sličnim situacijama nije negirao činjenice, nego tražio oprost. Na Balkanu oni koji treba da kleknu pred spomenikom žrtava, oni negiraju genocid!



Zahvalnice povodom 04. Aprila

Uručena priznanja

1. **Koordinacija boračkih udruženja** - Uspješna koordinacija između udruženja boračkih organizacija od posebnog interesa za Općinu Tešanj. Iako ni na jednom nivou nema horizontalne formalne koordinacije između temeljnih boračkih udruženja u Tešnju - na nivou općinskih organizacija JOB-a, Udruženja šehidskih porodica i porodica poginulih boraca, Udruženja RVI i Udruženja dobitnika najvećih ratnih priznanja formirana je koordinacija između ovih udruženja koja usaglašava stavove i jedinstveno nastupa.

2. **Udruženje privrednika „Biznis Centar“ Jelah-Tešanj** - Općinska administracija u privrednicima općine Tešanj ima pouzdanog partnera, a Udruženje privrednika se razvija u ozbiljnog predstavnika ovog sektora u dijalogu sa lokalnom upravom. Tešanjski sajam je prerastao u tradiciju, a najveće zasluge pripadaju ovom udruženju.

3. **JU „Opća biblioteka“ Tešanj** – Ove godine obilježava 65 godina postojanja. Posljednjih godina je utemeljena Konferencija bibliotekara BiH u Tešnju u organizaciji Opće biblioteke, a uspješno su vođene promotivne kampanje knjige kao i unapređenje za korisnike usluga.

4. **Kulturno-umjetničko društvo „Izudin Mulabecirović Izo“ Jelah** - Ove godine obilježava 60 godina svoga djelovanja. Jedan je od glavnih promotora kulturnog naslijeđa ovih prostora i domaćin mnogim događajima, a posebno manifestacije “Jelaško ljeto”.

5. **Emina Ajanović**, direktorica JU “Sportsko-rekreacioni centar“ - Uspješno vođenje javne ustanove, Sportsko-rekreacioni centar ima punu samoodrživost, već nekoliko godina investira u nove sadržaje i ulaže velike napore u okolinski aspekt.

6. **Dževad Bekrić** - Uspješan dugogodišnji rad kao sekretar mjesne zajednice Tešanjka.

7. **Salih Beganović** - Uspješan dugogodišnji rad kao sekretar mjesne zajednice Medakovo.

8. **„AS“ Jelah** - Dugogodišnji uspješan razvoj poduzetništva, stalni rast broja zaposlenih i proširenje biznisa na različita područja. Posljednja kupovina većinskog paketa dionica poznatog brenda “VISPAK” Visoko samo je potvrda uspješnog poduzetnog duha u ovoj tešanjskoj firmi. Firma “AS” sudjeluje u mnogim projektima podrške lokalnoj zajednici i šire.

9. **„HIFA OIL“ Tešanj** - Dugogodišnji uspješan razvoj poduzetništva u izuzetno konkurentnoj i zahtjevnoj oblasti – promet energentima. “HIFA-OIL” je u periodu od deset godina postala i razvila se u najjačeg uvoznika i distributera nafte i naftnih derivata u BiH i postala prepoznatljiv partner u zemljama okruženja i dobar promotor poduzetnog duha tešanjске općine. Aktivno sudjeluje u mnogim projektima lokalne zajednice.

10. **Udruženje građana „Stari grad“ Tešanj** - Uspješno partnerstvo sa općinskom administracijom održavanjem i uvođenjem novih sadržaja na Starom gradu, kao i uopće aktivnostima na obogaćivanju kulturnih sadržaja u gradu Tešnju.

11. **Fondacija “MOZAIK”** - Dugogodišnja uspješna saradnja i podrška Općini Tešanj u različitim područjima, posebno u području podrške mladima i kulturno-historijskog naslijeđa.

12. **Šefket Turalić** - Neumoran i dosljedan primjer angažovanosti sa pozicije građanina na okolinskoj zaštiti i poštivanju reda uopće, ukratko kazano: “Primjer dobre prakse”.

Kako je natpis u Dnevnom avazu greškom naveo da su dodijeljena priznanja i organizatorima otpora, te su neki reagovali zbog toga, još jednom ističem da su ova priznanja dodijeljena povodom 04. Aprila, i kako je navedeno u obrazloženjima, a ne organizatorima otpora.



PRED ĆATIĆEVIM MEZAROM

*Isti je nišan nad nama
samo je tvoj bolji
svijet*

Amir Brka

Općinski načelnik
Fuad Šišić

